

Апостол 19.01.2025

Б: Мир всем.

Я: И духови твоему.

Б: Премудрость.

Я:Прокимен глас 4:

Благословен Грядый во имя Господне, / Бог Господь и явися нам.

Хор: Благословен Грядый во имя Господне.....

Я: Исповедайтесь Господеви, яко Благ, яко в век милость Его.

Хор: Благословен Грядый во имя Господне.....

Я: Благословен Грядый во имя Господне

Хор: Бог Господь и явися нам.

Б: Премудрость.

Я: к Титу послание святого Апостола Павла чтение.

Б: Вонмем

Чадю Тите, явися благодать Божия спасительная всем человеком, наказующи нас, да отвергшеся нечестия и мирских похотей, целомудренно, и праведно, и благочестно поживем в нынешнем веце, ждуще блаженнаго упования и явления славы Великаго Бога и Спаса нашего Иисуса Христа. Иже

дал есть Себе за ны, да избавит ны от всякаго беззакония и очистит Себе люди избранны, ревнители добрым делом. Егда же благодать и человеколюбие явися Спаса нашего Бога, не от дел праведных, ихже сотворихом мы, но по Своей Его милости, спасе нас банею пакибытия и обновлением Духа Святаго, Егоже излиа на нас обильно Иисус Христом, Спасителем нашим, да оправдившеся благодатию Его, наследницы будем по упованию жизни вечныя. *(Тит 2:11–14; 3:4–7)

Б: Мир ти.

Я: И духови твоему.

Б: Премудрость.

Я: Аллилуиа глас 4

Хор: Аллилуиа 3 раза

Я: Принесите Господеви, сынове Божиии, принесите Господеви сыны овни.

Хор: Аллилуиа 3 раза

Я: Глас Господень на водах, Бог славы возгреме, Господь на водах многих.

Хор: Аллилуиа 3 раза